

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-51-40/21

Datum: 11.05.2021. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) direktor Zavoda donosi

ODLUKU

o izboru najpovoljnijeg ponuđača

u postupku javne nabavke potrošnog materijala za testiranje na korona virus (komplet epruveta sa virusnim transportnim medijem i bris)

I

Prihvata se preporuka Komisije za nabavke broj 07-51-39/21 od 11.05.2021. godine i Ugovor o javnoj nabavci potrošnog materijala za testiranje na korona virus (komplet epruveta sa virusnim transportnim medijem i bris) za potrebe Ugovornog organa dodjeljuje se ponuđaču AKO MED D.O.O. BANJA LUKA ukupnom cijenom ponude od 72.000,00 KM bez PDV-a odnosno 84.240,00 KM sa uračunatim PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču nakon isteka roka od 15 dana od dana dostavljanja ove Odluke.

III

Odluka stupa na snagu danom donošenja.

Obrazloženje

Zavod za javno zdravstvo Tuzlanskog kantona je na osnovu Odluke o pokretanju postupka javne nabavke potrošnog materijala za testiranje na koronavirus 02-307-1/21 od 12.01.2021. godine Upravnog odbora Zavoda za javno zdravstvo Tuzlanskog kantona pokrenuo je otvoreni postupak javne nabavke potrošnog materijala za testiranje na korona virus (komplet epruveta sa virusnim transportnim medijem i bris) broj 07-51-2/21 od 30.03.2021. godine za koje je objavljeno obavještenje o nabavci broj 1247-1-1-131-3-3/21 dana 30.03.2021. godine i ispravka obavještenja o nabavci broj 1247-1-1-131-8-4 koje je objavljeno 01.04.2021. godine, te u Službenom glasniku BiH broj 20/21 od 02.04.2021. godine.

Za predmetni postupak predviđeno je provođenje e-aukcije. Tenderska dokumentacija je objavljena na portalu javnih nabavki, koju su preuzela 22 ponuđača.

Nakon isteka roka za prijem ponuda Komisija za nabavke (u daljem tekstu: Komisija) je konstatovala da je zaprimljeno ispravno zapečaćenih 8 ponuda ponuđača koji su preuzeli tendersku dokumentaciju sa Portala javnih nabavki i pristupila njihovom otvaranju. Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen svim ponuđačima.

Dana 28.04.2021. godine, Komisija je nastavila sa radom i pregledom zaprimljenih ponuda kako bi konstatovala prihvatljive ponude, koje ispunjavaju sve uslove koji su traženi tenderskom dokumentacijom, obzirom da samo ponuđači sa prihvatljivim ponudama učestvuju u e-aukciji.

Nakon pregleda dokumentacije zaprimljenih ponuda, Komisija je konstatovala da kod tri ponuđača i to ENA D.O.O. SARAJEVO, D.MED Healthcare BH d.o.o. Sarajevo i BROMA BEL D.O.O. BANJA LUKA, određeni traženi dokumenti koji se dostavljaju kao sastavni dijelovi ponude, nisu dostavljeni u skladu sa uslovima definisanim tenderskom dokumentacijom, te su te ponude odmah ocijenjene kao neprihvatljive.

Komisija je konstatovala da su, sa aspekta dostavljene dokumentacije, ponude 5 (pet) ponuđača i to: AKO MED D.O.O. BANJA LUKA, TUZLA-FARM D.O.O. TUZLA, CEE-MED D.O.O. SARAJEVO, SPEKTROLAB D.O.O. BANJA LUKA i EMGEN D.O.O. SARAJEVO prihvatljive ponude. Međutim, imajući u vidu specifičnost predmeta nabavke i činjenicu da je Ugovorni organ predvidio u tenderskoj dokumentaciji dostavljanje uzoraka ponuđene robe koja je predmet nabavke po zahtjevu Ugovornog organa, kao i tehničku specifikaciju ponuđene robe – medicinskih sredstava na jednom od službenih jezika u BiH, Ugovorni organ je, na prijedlog Komisije, prije zakazivanja e-aukcije, tražio od navedenih pet ponuđača sa prihvatljivim ponudama sa aspekta dostavljene dokumentacije, da dostave uzorke robe koje su ponudili i njihove specifikacije na jednom od službenih jezika BiH, sa ciljem analize ponuda u vezi sa ispunjenjem zahtjeva u pogledu opisa predmeta nabavke i tehničkih specifikacija.

Po zaprimanju traženih uzoraka i tehničkih specifikacija, Komisija je konstatovala da samo ponude 3 (tri) ponuđača: CEE-MED D.O.O. SARAJEVO, AKO MED D.O.O. BANJA LUKA i SPEKTROLAB D.O.O. BANJA LUKA u potpunosti ispunjavaju sve uslove definisane tenderskom dokumentacijom čime su stekli uslove za učešće e-aukciji.

Kako je za predmetni postupak javne nabavke predviđeno provođenje e-aukcije, ista je zakazana nakon utvrđivanja prihvatljivih ponuda u skladu sa uslovima iz tenderske dokumentacije i odredbama Pravilnika o uslovima i načinu korištenja e-aukcije („Službeni list BiH“, broj 66/16) za 10.05.2020. godine u 10:00 sati u trajanju od 15 minuta.

Nakon održane e-aukcije, a shodno Izvještaju o toku i završetku e-aukcije, konačna rang lista ponuđača koji su učestvovali u e-aukciji se nalazi u nastavku:

Rb	Naziv ponuđača	Cijena ponude (u KM) bez PDV-a	Umanjenje cijene	Rang
1.	AKO MED D.O.O. BANJA LUKA	72.000,00	58,86%	1
2.	CEE-MED D.O.O. SARAJEVO	72.350,00	51,77%	2
3.	SPEKTROLAB D.O.O. BANJA LUKA	87.000,00	59,25%	3

Prema Izvještaju o toku i završetku e-aukcije ponuda ponuđača AKO MED D.O.O. BANJA LUKA sa ukupnim iznosom ponude od 72.000,00 KM bez PDV-a odnosno 84.240,00 KM sa PDV-om je najpovoljnija, shodno čemu je Komisija predložila da se ista prihvati, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od 10 dana od dana prijema odluke.

Dostaviti:

1. Ponuđačima
2. a/a

DIREKTOR
Sarihodin dr. Mijada, spec. socijalne medicine
MA menadžmenta

